



3684

III. Mag. St. Dr.

P

Proc. 2621

Jarzewski Joannis. Sol in curia Bethlehemitarum
ordinis Christiani Deus noster typis concentu
celebratum.

POËT

Biblioteka Jagiellońska



stdr0004537



S O L
In Cunis Bethleemiticis Ortus
CHRISTUS
DEVS NOSTER.

Lyrico Concentu Celebratus.

A C

ILLUSTRI & MAGNIFICO DOMINO,

D. VESPASIANO

à KOCHOW

KOCHOWSKI,

S. R. M.

CVBICVLARIO,

Inclyti Sarmatici Regni celeberrimo

HISTORIOGRAPHO &c.

In Strenam.

IOANNE TARCZEWSKI,

In Alma Uniuersitate Crac: Artium & Phil: Baccalaureo.

cum submissa Veneratione

& gratulatorio Applausu

O B L A T V S.

ANNO QVO

MVNDVS in exortV SoLis LxtatVr; & VLtra
Diffugiunt Nubes; SOLE oriente DEO.

CRACOVIAE, TYRIS UNIVERSITATIS.

In Gentilitium Insigne,
Illustris & Magnifici Domini.

BIBLIOTHECA
UNIV. IAGELL.
GRACOVENSIS



Excubat inuigilans Arbor NIECZVIA vocata
Contra Bisthonios Odrysiosq; lupos
Insidias pellit, quas hostis struxerat atrox
Ut Clypeo Patriam protegit illa suam,
Non jacet hic TRVNCVS truncus velut euolat astra ad
Quem Crucis in pennis magna trophæa trahunt
Gloria, fama decus NIECZVIÆ floret in Orbe
Florebitq; diu KOCHOVIANA Domus.

ILLVSTRIS & MAGNIFICÆ DOMINATIONIS TVÆ,

Obsequentiſſimus Filius

HIERONTMVS KOCHOWSKI

Grammatices Studioſus.

A D
ILLVSTRE & MAGNIFICVM DOMINVM,
Dñum Patronum ac Mecœnatem
Amplissimum,
AUTHORIS DEDICATORIA
P R O P H A S I S.

Etsi nulla me Mathematicarum disciplinarum commendet scientia, ego tamen Icario ausu Principem Planetarum SOLEM Apollinis cytharâ decantatum, Tuis hodiè presentandum oculis esse duxi ILLVSTRIS ac MAGNIFICE DOMINE. Fateor quidem prius me debuisse Diuina Matheſi ſedulam consecrare operam, Euclidi prima saltem dicere labra, quam cum Astris in Tuum prodire lumen & Nomen: sed quoniam hîc non de naturali sed Mystico SOLE agendum venit, ideò non ad discurrendum sed applaudendum impolito progredi ingenio licebit. Quamquam verò cum Ithaëonte alta peto, cum non sit mortale quod opto, nihilominus tamen ad exortum in Terris nouæ LVCIS, non quidquam aliud nisi LVCEM immò Ipsum Authorem Lucis offerres Tibi tanto impar oneri libenter mea brachia suppono. Et meritò sanè: quid enim aliud Tibi ILLVSTRIS ac MAGNIFICE DOMINE inter hos festiuos Applausus, in munus cedere debet, quam SOL cuius beneficio ac principali causa & influxu Gentilitia Tua ARBOR adeò effloruit, adeò excreuit; ut nunquam decrescere possit. Triumphale CRUCIS signum virenti gloria decorat Illam, & non Dadaleis sed Aquilinis pennis ad excelsa honorum fastigia, alta dignitatum subselia prouocat euocatq; semper Tuo augusto Stemmati immarcescibiles conueniunt Laurus, dum Tuum Nomen remotas it Rhodos, fama q; faustas peruolat Insulas, occasum q; gloria & Eclipsim nunquam patietur, cuius præclara in Republica merita ac doctissimus CALAMUS ad æternam memoriam vigebit. Loquetur sera posteritas inclyta semper de Te Elogia, & eximia Tua facta eruditissimumq;

pectus obstupescet. Obstupescit & præsens atas dum Te Virū omni laude dignū, quem musa vetat mori gloriae Panegyri celebrandum agnoscit. Experitur id Augusta Sarmatica AQUILA cum Te toties feruentem boni publici in Comitibus CANTONEM, in bellicoso Martis certamine strenuum armis & consilijs ACHILLEM, in Casibus Patria iuuandis ATLANTEM veneratur. Verum si Memphim, si elinguem indueret Athym non iam officiosa Musa, ipsa Historialis gesta canens Clio copiosum in encomia Tua bibit stylum, ac immortalī calamo augustum Nomen adorabit. Sed quid ego laudum Tuarum texo Panegyrim? cum earum magnitudo omnem absorbeat ac prærīpiat apparatus, ad beneficam humanitatem Tuam calamum intendo, quam plenis experior alueis, perennesq; haurio beneficentiae latices, atq; omnem beneuolentiam agnosco. Spatium Anni iam elapsū ex quo me indignum ad Tua affectus penetralia suscepisti, in numerum Clientū adscripsisti, dum carissima Pignora fideli Institutioni credidisti. Quanquā hac fors mouit quorundam maleuolentiam, inuidioq; non caret dente, non mirum: cum Virtutis ac fortune Comites sint. Līnor & Inuidia. Quare pro his ac alijs beneficijs en Tibi tibiū cano, cum tibi non possim, quandoquidem minoribus hostiis placant superos quibus non sufficit Hecatombē. Ergo hoc vile munus intra Tui beneuoli animi admitte sinum, quod si displicet, certe offerentis animus & voluntas non erit ingrata; suscipe serena fronte & mente SOLEM lyrico concentu celebratum, qui licet pusillus sit, cum hic decreuit Gigas, sed tamen magnitudinem suam non exiit etiam in Infante Gigas est a quo ut Magno quaq; opto maxima, augeat Tibi hoc clarissimum Sydus longaeuos & serenos Soles, augeat immortalē gloriam, quae in Gentilitia Tua ARBORE vire scat nō marcescat; cedant ad tantae Lucis exortum quaeuis animi nebula & ad renascentem SOLEM aurea Tibi semper recurrant ac renascantur secula. Ita voueo & precor sub Tuo patrocīnio dies noctesq; ducere cupiens.

Jilustris & Magnificae Dominationis Tuae Honori ac Nomini,

Deditissimus Client,

JOANNES TARCZEWSKI, AA. & Phil. Baccalaureus.

S O L

In Cunis Bethleemiticis

O R T V S.



Ssurge lætus Phæbe Pater faue
Liræ canenti; Castaliæ Deæ.
Gratum melos nunc exhibete,
Dulcifonas cytharas mouete.

Vates Celebres Thespia Lumina
Alcæus adsit, Pindarus, Ibicus,
Sappho, Alæmon, Stesichorusq;
Bacchylides Anacreon ipse.

Iam læta suavis vox gemit sonum,
Iam summa cordis gaudia concitet,
Fundatq; plausus nunc amænos,
Nectareis recreata lymphis.

Orpheus Urbes altaq; mænia,
Plectris sonoris muta animalia.
Mulcens fauentes ad choreas,
Iam properet modulando cantus.

Quæ dum loquor sic: Fons Aganippidum,
Riuos aquarum mox aperit mihi,
Phæbus, Camenæ læta dicunt,
Verba citò acceleremus omnes.

Quidquid Pelasgi carmine Barbyti
Quidquid per oras Ausonias sacri
Lusere Vates; cedat istud
In cytharas hodiè & corymbos.

B

Auditur

Auditur & Thrax, si modulamina
Traxisse dicit vocibus agmina
Plausissê; multò plus libenter
Illa sonent modò dulce carmen.
Cum totus Orbis nil nisi gaudia
Fundit, recedunt omnia tristia,
Affulsit en iam SOL serenus
Iustitiæ DEUS ipse SOL est.
Illi Polorum Seraphini canunt,
Exultat omnis Spiritus, & gregem
Pastor relinquit, tibiisq;
Dulce melos loquitur sonoris.
Acanthis altas Huic Philomelaq;
Alauda voces promit & obstrepit,
SOLEM nouum cantu salutat
Mirifico recreando saltu.
Idola Memphis cum Statuïs ruunt
Nascente nostro SOLE DEO, ferunt
Fructus beatos, Vineæ dum
Ballama progenerant abundè.
Hæc orta LUX est Iessiadum solo,
Dispersit atras lumine noctium
Nubes, remouit Protoplasti
Atq; Pharum fidei locauit.
Tum vidit Orbis tres simul aurei
Soles Olympi; qui citò in Unicum
Solare corpus sunt redacti
Denorat hos coluisse SOLEM.
Qui cuncta terris lætificata qui
Facturus esset, Cymmerias procùl
Umbras; fugando lucidasq;
Omnibus instituisset horas.

Ille.

620
Illustrat hic Te VESPASIANE SOL

Ortus Bethleem dotibus Inclutis

Illustrat, in Te Gratiarum

Fundit acumina multa rerum.

Quidquid decoro; nomine Gemmifer

Nylusq; Ganges Pactolus in se habet

Totum Tibi Lux orta donat

Vir meritis celebris KOCHOWSKI.

Tu mille fulges auctus honoribus,

Es ipse splendor Stemmatis ARBORIS

Quæ floret & florebit alma,

Tempora Lechiadum coronans.

Quam sacra CRUX ad sydera prouocat,

Quam penna Lechæi Alitis in clyti

Extollit altum cum stupore

Culmina celsa petens honorum.

Ornas auitum Stemma Tuum stylô

Et Marte præstans HISTORIOGRAPHE,

Dum gesta Regum, bella Regni

Sarmatiæ calamo notasti.

REX Sarmatarum deliciæ suæ

Gentis IOANNES TERTIUS, intimo

Complectitur Te corde, cernens

Mentis ebur niueum eruditæ.

Cui nuper extra Tu sociatus es

Fines; Viennam Tu comitatus, ut

Spectare posses & notare

Quam celebres meruit triumphos.

Mereris omnes laudis adoras,

Reges Duces, cum pectoribus suis

In Te feruntur; Regibusq;

Maxima laus placuisse summis.

Splen

Splendore quanto quâ Sapientiâ
Responſa præbes Comititalia,
Oris catenâ Tu ſalutem
Scis publicam Patriæ iuuare.

Tu vincis omnes Hyſtoriographos
Utroq; Diuini ingenij ſtylo,
Terras per æquor Te ſequuntur.
Te Charites comitantur omnes.

Sæclis tot ergo fama Tuæ ARBORIS,
Descendit in Te laus celeberrima
Præclara maiorum trophæa,
NIECZUACÆ decus omne gentis.


Ortus Tibi SOL HISTORIOGRAPHE
Regni; det annos fulgida tempora,
Semper ſerenos fundat in Te
Atq; Domum radios benignos.

Procul recedant nubila temporum
Viuaſ beatus Neſtoreos dies
Necnon agas Soles amænos;
Detineat libityna falcem.

Extincta nunquam ſit Tua gloria,
ARBOR vigendo proſpera ſemina,
Sortis, per æuum proferendo
Cum CRUCE floreat atq; PENNIS.







Biblioteka Jagiellońska



stdr0004537

